

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 253056 24 St
Zenica, 21.09.2026. godine

Općinski sud u Zenici, stečajni sudija Amela Sinanović, u stečajnom postupku nad Društvo za transport i usluge „TOMIĆ-BAU“ d.o.o. Žepče, sa sjedištem u Žepču, ul. PC XP bb, koji je pokrenut po prijedlogu predlagatelja Društvo za transport i usluge „TOMIĆ-BAU“ d.o.o. Žepče, sa sjedištem u Žepču, ul. PC XP bb, koga zastupa Spahić Ejub, advokat iz Kaknja, nakon ročišta održanog dana 26. 03. 2026. godine, u prisustvu privremenog stečajnog upravnika Redić Ermina iz Zenice, van ročišta, dana 21.09. 2026. godine, donio je sljedeće

R J E Š E N J E

Otvara se i zaključuje stečajni postupak nad Društvo za transport i usluge „TOMIĆ-BAU“ d.o.o. Žepče, sa sjedištem u Žepču, ul. PC XP bb, MBS: 43-01-0429-08 (stari broj: 1-9780), JIB: 42185824200009, zbog nepostojanja imovine za namirenje troškova postupka, te se nalaže brisanje ovog društva iz sudskog registra zavedenog pod brojem 43-01-0429-08 (stari broj: 1-9780), a po pravosnažnosti ovog rješenja.

O b r a z l o ž e n j e

Stečajni dužnik kao predlagatelj je dana 08.11.2024. godine ovom sudu podnio prijedlog za otvaranje stečajnog postupka. Rješenjem ovog suda broj 43 0 St 253056 24 St od 13.03.2025. godine pokrenut je prethodni postupak radi utvrđivanja uvjeta za otvaranje stečajnog postupka, a za privremenog stečajnog upravnika imenovan je Ermin Redžić iz Zenice.

Radi utvrđivanja stečajnih razloga iz člana 6. Zakona o stečaju („Službene novine Federacije Bosne i Hercegovine“, broj: 53/21) sud je zakazao ročište za utvrđivanje uvjeta za otvaranje stečajnog postupka.

U svom pisanom Izvještaju od 24.04.2025.godine, te usmenom obrazloženju istog datom na ročištu za ispitivanje uslova za otvaranje stečajnog postupka, privremeni stečajni upravnik je izjavio da je uvidom u raspoložive finansijske izvještaje i to Bilans stanja, Bilans uspjeha, te Dodatni računovodstveni izvještaj za privredna društva na dan 31.10.2024. godine, Analitički bruto bilans, Bruto promet subanalitike kupaca i dobavljača, Listu imovine, kao i ostalu dokumentaciju koja se nalazi u spisu predmeta, te na osnovu pribavljenih informacija, utvrdio da dužnik nije u stanju izmirivati svoje obaveze što znači da isti nije solventan. Bilansne pozicije aktive knjigovodstveno zaključno sa 31.10.2024. godine su: nekretnine, postrojenja i oprema iznos od 78.982 KM i pozicija Novac i novčani ekvivalenti iznos od 43 KM. Bilansne pozicije pasive knjigovodstveno zaključno sa 31.10.2024. godine su : kapital iznosi 45.974 KM, dobit tekućeg perioda iznosi 55.203 KM, akumulirani, nepokriveni gubici iz prethodnih perioda iznosi 318.726 KM, finansijske obaveze po amortizovanom trošku iznosi 162.163 KM i ostale obaveze, uključujući i razgraničenja iznose 134.411 KM. Dalje je naveo, da prilikom izlaska na teren na adresi sjedišta društva nije pronašao

imovinu dužnika. Od Centralne Banke Bosne i Hercegovine pribavljen je PS P3. Izvještaj o računima poslovnog subjekta iz kojeg je vidljivo da je račun dužnika otvoren kod Raiffeisen bank dd Sarajevo blokiran od 28.08.2012. godine. Pristupio je u prostorije Raiffeisen bank dd Sarajevo Filijala Zenica te zatražio da mu za ovog dužnika dostave pregled blokada, a koji banka nije dostavila. Uvidom u Potvrdu br. SD1311-16/2024 od 13.11.2024. godine vidljivo je da je račun blokiran od 28.08.2012. godine i da je stanje na transakcijskom računu na dan izdavanja potvrde 0,00 KM. Od strane Službe za graditeljstvo i prostorno uređenje Općine Žepče pribavljeno je uvjerenje od 28.03.2025. godine iz kojeg proizlazi da dužnik nije upisan kao nositelj prava u katastarskom operatu. U istu svrhu zatraženo je i pribavljeno Uvjerenje Zemljišnoknjižnog ureda Općinskog suda u Žepču iz kojeg proizlazi da dužnik nije upisan kao vlasnik nekretnina u uspostavljenim zemljišnoknjižnim ulošcima u katastarskim općinama Bistrica i Orahovica, a ni kao vlasnik odnosno suvlasnik stana, a niti poslovnog prostora u knjigama položenih ugovora koji se vodi kod ovog suda. Od strane MUP-a Ze-Do kantona pribavljeno je Uvjerenje od 09.04.2025. iz kojeg je razvidno da dužnik ima registrovano vozilo na svoje ime i to Radnu mašinu marke LIEBHERR, tip A310, broj šasije 3760626, godina proizvodnje 1994, reg.oz. 922 E 248, boja žuta, a koje vozilo je pod zabranom otuđenja. Iz računovodstva je pribavljena subanalitika kupaca i dobavljača - pregled potraživanja od kupaca i obaveza prema dobavljačima, iz koje je razvidno da je dužnik imao potraživanja prema kupcima u ukupnom iznosu od 93.691,26 KM, te obaveze prema dobavljačima u ukupnom iznosu od 125.921,96 KM, a koja potraživanja i obaveze na analitičkim karticama kupaca i dobavljača su prema izjavi računovodstva dostavljenoj putem e-maila od 07.04.2025. godine starija od 10 godina te su otpisana prilikom sačinjavanja financijskog izvještaja za 2024. godinu. Nadalje, iz računovodstva je pribavljena i Lista stalne imovine na kojoj se nalazi 8 stavki vrijednosti 78.982,09 KM, od čega prve tri sa inventarnim brojevima 005 - Bager Atlas II IT 1404, 006 - PC DTK 2 DUO E 4400/1, te 009 - KORPA ZA BAGER čine kapital dužnika u stvarima. Naknadno je zatražena i informacija o datumima nabavke stalnih sredstava koja je rukom dopisana na Listi stalne imovine, pa imajući u vidu datume nabavke i stope amortizacije proizlazi da su iste potpuno amortizovane, s tim da to nije iskazano u poslovnim knjigama. Procjenjuje da poslovanje dužnika nije moguće u cjelini niti pojedinim dijelovima, s obzirom na to da su računi dužnika blokirani već dugi niz godina te da je nepoznato gdje se nalazi imovina društva. Nakon izvršenog uvida u poslovne knjige - finansijske izvještaje za 2024. godinu i ostalu dokumentaciju koja čini sastavni dio izvještaja utvrdio je da dužnik nema nepokretne imovine, da su potraživanja prema kupcima starija preko 10 godina, te da su otpisana. Pored toga, društvo prema finansijskim izvještajima ima imovinu koju čini 8 stalnih sredstava - vozila, mašina i opreme čija vrijednost je iskazana u iznosu od 78.982,09 KM, a čija vrijednost bi po redovnom toku stvari bila potpuno amortizovana imajući u vidu datum nabavke, nabavnu vrijednost i stope amortizacije iskazane na Listi stalne imovine, dok iz Uvjerenja Ministarstva unutrašnjih poslova Zeničko-Dobojskog kantona od 09.04.2025.g je razvidno da dužnik ima registrovano vozilo na svoje ime i to Radnu mašinu marke LIEBHERR, tip A310, broj šasije 3760626, godina proizvodnje 1994, reg.oz. 922 E 248, boja žuta, a koje vozilo je pod zabranom otuđenja, čija lokacija je nepoznata, što ukazuje da nema pokretne imovine ili je njezina lokacija nepoznata. Zbog svega navedenog zaključuje da stečajni dužnik nema imovine iz koje bi se mogli pokriti troškovi stečajnog postupka, da postoje razlozi za otvaranje stečajnog postupka jer je račun dužnika blokiran više od 60 dana neprekidno , pa predlaže da povjerioci predujme novčani iznos od 5.000,00 KM na ime otvaranja i vođenja stečajnog postupka , a ukoliko isti ne uplate predujam da sud otvori i zaključi stečajni postupak. Nadalje navodi da obzirom na to da je podnosilac prijedloga za otvaranje stečajnog postupka stečajni dužnik, odnosno organ ovlašten za zastupanje stečajnog dužnika, utvrdio je da je organ ovlašten za zastupanje stečajnog dužnika podnio prijedlog za pokretanje stečajnog postupka dana 07.11.2024. godine, a da je tekući račun dužnika blokiran dana 28.08.2012. godine, to je prijedlog za pokretanje stečajnog postupka podnesen nakon isteka roka od 60 dana od dana nastupanja platežne nesposobnosti.

Zastupnik po zakonu stečajnog dužnika Tomić Anto je sudu dostavio pisanu izjavu, sa ovjerenim potpisom kod nadležnog organa, koju je dao pod punom materijalnom, krivičnom i moralnom odgovornošću, u kojoj je izjavio da je društvo raskinulo ugovor o zakupu za poslovne prostorije u kojima se nalazilo sjedište društva u Žepču, Poslovni centar XP B.B., da na navedenoj adresi nema poslovnih prostorija društva, te da potraživanja prema kupcima nisu utužena prije zastare. Imovina evidentirana na Listi stalne imovine od 15.10.2024.godine i to BAGER ATLLAS II IT 1404, PC DTK 2 DUO E 4400/1, KORPA ZA BAGER, KORPA 2000 MM COSBE, RALICA B29 2B468-4-2, MINI ROVOKOPAC BOBC, INJEKTOR R170W-7A-2K, GR. MAŠINA BENFRA 315, kao i radna mašina mark LIEBHER, tip a310, broj šasije 3760626, godina proizvodnje 1994, reg. oz. 922 E 248, boja žuta, navedena na Uvjeranju MUP-a ZDK od 09. 04. 2025. godine, je rashodovana zbog starosti ili zbog oštećenja, da su dijelovi prodani na otpad, a sredstva utrošena za tekuće poslovanje društva, o čemu ne posjeduje dokaze zbog proteka vremena.

Ostali učesnici postupka nisu imali primjedbi niti prigovora na ovaj Izvještaj.

Kako je iz izvještaja stečajnog upravnika, dostavljenih dokaza uz izvještaj, utvrđeno da iako postoje stečajni razlozi, nema imovine ni za troškove stečajnog postupka, sud je primjenom odredbe člana 102. stav (7) i stav (8) Zakona o stečaju, a po prijedlogu privremenog stečajnog upravnika, Rješenjem od 19. 05. 2026. godine objavljeno u „Službenim novinama Federacije Bosne i Hercegovine“ broj 45/26 od 17. 06. 2026. godine, pozvao povjerioce i zainteresovana lica da uplate predujam za obezbjeđenje troškova stečajnog postupka.

Kako stečajni dužnik ima obaveze, a nema imovine pa ni za troškove stečajnog postupka, a zainteresirana lica ni po proteku roka ostavljenom u rješenju donesenog od strane ovog suda nisu predujmila novčani iznos za pokrivanje troškova stečajnog postupka, to je primjenom odredbi 102. stav (8) Zakona o stečaju odlučio kao u izreci ovog rješenja.

Ovim rješenjem određeno je otvaranje i istovremeno zaključenje stečajnog postupka, te brisanje ove pravne osobe iz sudskog registra.

PRAVNA POUKA:

Protiv ovog rješenja dopuštena je žalba Kantonalnom sudu Zenica u roku od 8 dana, putem ovog suda, od dana dostave rješenja.

Stečajni sudija:
Amela Sinanović, s.r.